

Perak beri ganjaran RM25,000 kepada Jun Hoong

IPOH 26 Julai - Kerajaan negeri mengumumkan ganjaran wang tunai sebanyak RM25,000 kepada penerjun negara, Cheong Jun Hoong ekoran kejayaannya memenangi pingat emas dalam Kejohanan Akuatik Dunia di Budapest pada 20 Julai lalu.

Menteri Besar, Datuk Seri Dr. Zambry Abd. Kadir berkata, insentif itu sebagai mengiktiraf kejayaan dan sumbangan penerjun kelahiran Ipoh itu kepada negara.

"Sebelum ini Majlis Sukan Negara (MSN) telah memberi insentif RM80,000 kepada beliau atas kejayaannya, Jadi berdasarkan kriteria dan peruntukan yang disediakan oleh kerajaan negeri, kita tambah lagi RM25,000 untuk beliau."

"Ganjaran ini sebagai tanda penghargaan kita kepada beliau yang telah mengharumkan nama negara," katanya dalam sidang akhbar selepas mempergerusikan mesyuarat mingguan exco di sini hari ini.

Jun Hoong bergelar juara dunia apabila meraih pingat emas dalam acara terjun 10 meter platform individu wanita di Kejohanan Akuatik Dunia di ibu nega-



Sebelum ini Majlis Sukan Negara (MSN) telah memberi insentif RM80,000 kepada beliau atas kejayaannya, Jadi berdasarkan kriteria dan peruntukan yang disediakan oleh kerajaan negeri, kita tambah lagi RM25,000 untuk beliau."

ZAMBRY ABD. KADIR

Menteri Besar Perak

ra Hungary itu pada 20 Julai lalu.

Menurut Zambry, sebelum ini, kerajaan negeri telah memberi ganjaran kepada Jun Hoong iaitu sebuah unit pangsapuri bernilai RM320,000 ekoran kejayaan Jun Hoong dalam Sukan Olimpik Rio tahun lalu di mana dia memenangi pingat perak bersama Pandelela Rinong dalam acara 10 meter platform seirama wanita.



CHEONG JUN HOONG